

Transkription von Urkunde SDL 1493a

Ort, Datierung: Stendal, 1493-07-05

Signatur: Stadtarchiv Hansestadt Stendal, k.A.

Inhalt: Rat der Stadt Stendal: Rehabilitierung der Kaufmannsgenossenschaft

Wy Borgermeistere vnnd Ratmann(e) to Stenndall Bekennenn apinbar Betügende Inn vnnd mit dussem briue So vnnd nachdem wy vnnsen / bürger(e)n dem Kopmann(e) vonn der ka(m)mpenyen vmb(e) vell ores vnordentlichen geschicks vnnd wesendes willen Inn dem vele pancte ores briaes nicht sint gehold(e)n / worden ore ka(m)mpenye . gesloten vnnd ueddergelecht hadden . So sin wy doch nū uth oren mennichin langen ersoken So wy merken dat sie sick orbeden / gehorsam(e) tosinde vnnd tohalden vnnd tolat(e)n wes vnnse briae beden vnnd vorbeden , anders betragen vnnd hebb(e)nn up alszodann(e) orer erbedinge / ock vlitigen bede will(e)n nach rade des olden Rats vnnd der Guldemeister(e) vonn(e) den Guld(e)n , gegünnet vnnd vorloaet Gannen vnd vorloaen / en ock Jegenwardigen Jn vnnd mit Crafft dasses briaes de kampenye weddertoopenne auerst vor allen dingen wyll(e)n wy ernstlick dat sije / alle vnnd Jslike puncte ores briaes mit dessen hir nageschreaen declaratien vullenkomenlick ane alle oælddinge holden schollen Jn Jrste sze / scholl(e)n vp dem(e) kampenyenhase sedich , houesth vnnd tuchtich sin Nemande scholl(e)n sie bespotten . mit worden edder mit werken Geschreyg / krisschent Ropent Bulderent , dat vnordentlick vnnd vnsachlick erkant worde Ok sunderlick senge . de dar nicht tosingende gehoren vnd alle ander(e) / vnstur(en) dat schall alles vorboden sin we sick dar ane vnnd an eyen Jowelks bsunder(e)n vorsêge . de schall vor Jowelkes beter(e)n mit viff schilling(en) vnser Stat / vnnd orer kumpenye glike oðeylen(e) Sie scholl(e)n ock vor der kumpenye vp der Strat(e)n edder vor der doren nicht sitten todriken by twen schillingh(en) / Allerdinge to teyn slegen des auendes so schall dat kampenyenhasz togeslat(e)n sin vnnd men schall denn(e) nemandes nicht(e) dar Jnn(e) drinken late(n) / by viff schillingen Jowelken tobreken vfft dar Jnt vât edder aa ergerekent sij dat schall hir alles nicht tohelpen We ock den knecht darbouen benodi/gede dat hie tappen vnnd nicht teyluten scholde . de schall ock so vele gebraken hebb(e)n Vnnd dut schall des artikels des irsten briues de vorloüet halue / wege to Eluen tositt(e)n by pene twe schilling(e) wedar wedderdede (etc) declaratien sin , De knecht schalt ock dat he bouen de tijd neyn bir(e) nicht tappen / wylle voreyden up de hilligen wan die scheffer(e) ore eyde don vnd schall by dem suluen eyde die broke belden Nafordermehr(e) de artikell de de secht von / eyner Echten gehegeden sproke des rads tohebb(e)n deschall alsus gewandellt vnd declarirt sin , Sie scholl(e)n hebben Twe Echte gehegede spraken des yar(e)s / de Eyne u(m)me pauli Conu(er)sionis vte twe edder dry dage vor edder na de andern v(m)me Jacobi vte ock so vor edder na vnd wan sie de hebb(e)n / wyll(e)n So schollen die Scheffer(e) des Fridages touor(e)n komen vor vnns dem rade vp vnsem(e) rathuse biddende twe uth dem(e) rade done inn(e) toschickende / dem wy ock so don willen . Vnnd we to den gehegeden spraken nicht enko(m)met de schall beter(e)n mit Sossz pennyngen als vorhon Jn dem(e) / r(e)chten briue ed beneme en denn(e) echte not we auer fraeliken to twen echten gehegeden sproken nacheynanderfolgen , de em(e) vorkandiget / weren nicht enqweme , deschall dusser broderscop v(er)fallen sin , dar wedder Jntokomen(e) ufft he will yslick eynen ander(en) die dusse kampenye vor / ny gehat hefft , doch also , dat he vor allen dingen sine broke vfft he der welk v(er)fallen vnd sust schuldich were vor betale vnd richtich make Edder / so ymant so v(m)me freuells vth bliaendes der twier echt(e)n sprak(e)n v(er)lecht worde vnnd der kampenye nicht wedder begerde tohebb(e)n , so

schall he glike / woll sine broke vfft he der welk v(er)fall(e)n wer(e) by der pandinge de de scheffer(e) mit des ratsgesinde daru(m)me don mogen geue(n) Vnd so men denn(e) / lut vnnses Jrsten briaes nemande de bruderscop geaen scholle he sij dem rade vnd der kumpenyn beqweme den artikell declareren wij / alsus , dat he Jn sinem(e) lude bliaen scholle , auer alle die Jenne die desse bruderscop wynnen wyll(e)n die scholl(e)n sie soken tom(e) Jrst(e)n tor Jrst(e)n / gehegeden sprake vnnd die Scheffer schollen sie denn(e) tager(e)n went tor ander(e)n sprake , myddelertijd scholl(e)n die Scheffer(e) komen vor vns dem rade / vnnd sunderlik(e)n frage hebb(e)n vfft he dem(e) rade beqweme sij Ist denn(e) die yenne lut des briaes so geschickt vnd dem(e) rade ok sunderlick / beqweme so schallmen en de bruderscopp v(m)me der kampenyn gebor(e) tor ander(e)n sprake geaen , Vnnd vfft we ennyge broke desser(e) vnd / der ander(e)n artikellhalaen Jm r(e)chten briae uthgedruckt samptliken vnnd bsander(e)n v(er)felle , de schall von stund also die broke gedeylet wert betal(e)n / Gescheget nicht so mogen die scheffer(e) mit vnnsere Stad gesinde ane Jennig(er)leye r(e)chteffordringe daru(m)me panden vnnd mit den panden don / also vnnse yrstebrieff secht , Worde ouerst Jmand(e) brockhafftich erkant , de nicht geaen wolde , Ock nichts hedde , datmen en aepanden / mochte also Sone de Jn der vedder(e) gewalt noch weren , de scholde de kampenyn vonn stund v(er)fall(e)n sin vnd men schall dem edder den ok / Jn dren Jar(e)n darna die kumpenye nicht weddergeaen wolde he sie oer na vorlopp der dryer yar(en) wedder wynnen so schall he vor synen / wedderangangk geaen glick als eyn ander(e) die sie vor nicht gehat hefft vfft he dem rade vnd kumpenye , wo vorberort beqweme were / vnnd darto scholde he noch geld(e)n Vnnd richtig maken wes he gebroken hedde Duth alles vnnd vnnsen vorigen brieff scholl(e)n die Scheffer(e) / alle yar(e) wan sie gekar(e)n sint mit dem(e) oldermann(e) vor vnns beswer(e)n vnnd scholl(e)n Name(re)n nicht macht hebb(e)n vor oren eyden vthtobe=/scheyden Jn den vernigenbroken gnade todonde , Sander(e)n alle broke scholl(e)n sie trawelik(e)n bi oren eyden vnnd plicht so sie vnns vorwant / ane gnade forder(e)n vnnd vnns vnnsen deyll by nedderlegginge dassen ku(m)penie vpbringe(n) Vnnd wy beholden vnns hir Jnn(e) gesanth , vor / vnns vnnd vnnse nakomeli(n)g dyt vnd vnnsz vorige gesette tokortende tolengende vnnd towandelende nach vnnsen wyll(e)n wan / wy wyllen vnnd [vns dat] beqweme bedunkt sin . des tor orkand steder vnnd vaster holdinge hebb(e)n wy vnnsere Stad Secre(tum) hangen / laten an dessen brieff [na der] gebort virteynhandert darna Im dryvnndnegentigsten Jar(e)n am(e) Fridage kylianj do Ratmann(e) werenn / hinrick Clotzen [...]

Hinrick pakebasch Werner Kalae Hoyger moringk Hanns kratz Hermenn(e) Schlut(e) Hinrick Castell / Paall Wasten[berg ...] byszmarke Gregorias goltbek(e) vnnd Claws krager(e) /